

叙

余輯劉氏唐詩畢野遺屬余肆獵中晚唐人秘本  
夏尚之師謂余曰予昔佐郡西安視武功篆武功  
卽姚監作尉處壁間石刻有縣居遊春雜詩四十  
二首曾以紙墨榻來乃出示余余因而復輯中  
姚少監詩越一年得詩四百餘首翻閱選

餘部末後始見金陵朱氏刻互有同異訂其訛謬  
叙其參錯隨授梓人刊行再明年一僧自江南來  
笈中有宋雕少監原本較余刻尤多十數篇今附  
於後共計五百餘首矣少監詩至此大備外無有  
也師又愛讀唐僧清塞詩塞遇少監而加以冠巾  
更姓名爲周賀師復以賀詩授余梓不意受知於

少監者復受知於藏少監詩之人想二君精靈尚  
在八閻也宋雕姚詩與韓詩共一函韓名偓字致  
光唐末人也與少監時代遠甚余初得姚詩亦與  
韓詩並梓合所不當合宋距今五百餘載事有同  
然者異哉世傳致光詩惟香齋一集余刻內翰別  
集已自矜爲希本今獲外集又多一倍不識宋雕

者何人而竟使余不得爲姚韓功臣耶曹洋州鄴  
素與劉駕友善駕不第鄴任長安候其同舉進士  
而後去余旣刻劉司南詩並高洋州之義欲合曹  
劉爲一集奈他姓不得入劉氏本止之張曲山使  
君自粵西來攜有桂林二曹詩二曹者曹鄴曹唐  
也始吳子爾世刻道士曹唐詩搜刮殆盡非桂林

本可及鄴詩以荆公百家本對之則桂林本又爲  
獨備是時余乃刻洋州詩戎從事昱亦見荆公百  
家本余偶閱郭茂倩樂府知昱詩浮於荆公本猶  
多他無可考先將茂倩所錄樂府盡收之因而刻  
戎從事詩吳興五家本惟沈亞之下賢李冶季蘭  
詩人不多見季蘭婦人詩少不足怪下賢爲小杜

所做效詩僅數篇耶後從藏書家見沈下賢全集  
詩盡載於此餘俱雜文耳刻沈詩林寬孟貫俱闕  
人余初謂百家本不備後得徐興公閩南唐雅讀  
之二家詩不增損一字與公博學人也不能增一  
字一句他無望矣刻林寬孟貫詩坊刻大有舛誤  
如中唐十二家儲嗣宗詩篇章欠闕卽割他集補  
之余深以爲恨茲幸得善本救正因急付梓不容  
已世固有笑余刻古人詩爲多事者並誣古人不  
樂刻其詩不樂訂其訛謬豈謂儲君哉凡世之有  
行本與非全本而有待於將來者皆未暇刻惟稍  
有補益或集外並無他詩者不忍閣置是以余又  
刻唐十三家詩淮南劉云份青夕叙於夢香閣上

十三唐人詩總目

姚合

宰相崇曾孫、登元和進士第、爲武功主簿、世號姚武功、又爲富平萬年尉、寶應中、歷監察御史、戶部外郎、出荆杭二州刺史、後爲給事中、陝號觀察使、開成末、終秘書監、

周賀

字南卿、東洛人、少從浮屠法、遇姚合而返、初易名賀、與賈長江無可齊名、

三六八  
一  
戎昱

高棟云荆南人登進士第衛伯玉鎮荆南辟為從事德宗建中中為辰虔二州刺史京兆尹李鑾欲以女妻之令改姓昱辭焉

唐球

居蜀山中方外之士也為詩撚藁為團納之大瓢中後卧病投瓢於江曰斯文苟不沉沒得者方知吾苦心爾至新渠有識者曰此唐山人瓢也接得之十纜二三球生唐末至性純慤篤好雅道放曠疎逸時人稱為唐隱居或云王建帥蜀召為參謀不就今以其故居為隱居寺

沈亞之

字下賢登進士第太和初李同捷反詔兩河諸鎮出兵反無功乃授栢耆德州行營諸軍計會使亞之以殿中侍御史為判官諭旨會李祐平德州同捷窮請降耆乃馳入滄誅同捷諸將嫉其功比奏攢詆文宗不獲已貶耆

循州司戶參軍亞之南康尉

儲嗣宗

春秋儲子後裔也大中十二年進士及第

曹鄴

字業之大中進士也唐末以祠部郎中知洋州刺史鄴能文有操持咸通初爲太常博士白敏中卒議謚鄴責其病不堅退且逐諫臣舉怙威肆行謚曰醜高元裕子璩懿宗時爲相卒鄴建言璩爲宰相交游醜雜進取多蹊謚法不思自愛曰刺請謚爲刺

姚鵠

字居雲會昌進士第

邵謁

韶州翁源縣人事載本集內

韓偓

字致光自號玉山樵人京兆萬年人擢進士第佐河中幕府召拜左拾遺以疾解後累遷左諫議大夫宰相崔胤判度支表以自副王

三身人詩三  
溥薦爲翰林學士遷中書舍人唐書列傳今  
載本集

### 林寬

寬字未詳亦未詳何年進士八閩志皆逸其  
名考其詩陪鄭誠省中寓直寄省中知己獻  
同年孔郎中則寬實舉進士爲諫官矣黃滔  
詩有寄林寬諸作則寬實唐末人矣或以爲  
莆田人或以爲侯官人蓋閩中林姓最繁九  
牧之後散處郡邑未可知耳存之以侯考核

### 孟賈

字一之建安人以禮義文章節儉爲當時師  
範人稱孟夫子仕于周世宗摘其詩句誦之  
自涉疑忌遂不用以布衣終其身

### 伍喬

廬江人詩調寒苦每有瘦童羸馬之歎山中  
浮屠夢仰視見一大星芒色甚異旁有人指  
曰此伍喬星也旣覺訪得喬乃傾資奉之使  
人金陵舉進士故事中選者主司必延之陞



二  
月  
八  
日  
四  
堂置酒時有宋貞觀者首就坐張洎續至主  
司覽其文揖貞觀南坐引洎坐于西洎至數  
行喬始上卷主司歎其傑作乃徙貞觀處席  
北洎處席南以喬居賓席及覆考榜出喬果  
爲首洎貞觀次之當時稱主司精衡鑑元宗  
亦大愛喬程文命勒石以爲永式仕至考功  
員外郎

序

姚秘書合諸選家皆謂舊無傳本余信以爲然數  
年來手錄所見者僅三百餘篇恐復散佚遂梓行  
於世及徵四國遺書一日而到者十許輩中間秘  
監在焉較其寡多則倍於往昔喜可知矣因命工  
人再興剞劂夫人特患無嗜好耳有嗜好則所需

之物不啻竭蹶赴之卽如余初刻劉氏唐詩家無  
藏本而所居之地復難購求不意一月之間目中  
之所見者皆炎漢之本支卯金之篇什因彙成全  
帙光乎家乘矣又如刻香籙一集說者謂非致光  
所作然則致光別無行本乎正饑渴頃而內翰之  
別集已在案頭矣嗟嗟鬼無靈乎鬼有靈乎而最  
靈者才鬼徒於千百年之下而欲盡收千百年以  
上旣墜之文非其自來恐人力不逮此也余始輯  
秘監作得一字若遺珠今且燦然滿目比一切秘  
本行本爲最富尤冀秘監有靈傾囊而與方潔盤  
盂盛受未暇謂此稿爲完璧也秘監其哂余乎淮  
南劉云份撰

中唐姚合詩目

縣居詩三十首

遊春詩十二首

書縣丞舊廳

縣中秋宿

贈太祝張籍

使兩浙贈羅隱

寄耿拾遺

寄賈島

寄裴使君

寄李頻

友人南遊不回因寄

寄王度居士

寄李群玉

寄費冠卿

同會太府韓卿宅

送戴佐客遊

送顧非熊下第歸越

送雍陶及第歸覲

送無可任越州

早春山居寄知己

書懷寄友人

答李頻秀才

酬張司業見寄

送張宗原

送李侍御夏州

寄酬盧侍御

奉寄東都留守

寄絳州李使君

寄陸渾縣尉李景先

寄東都分司

春日同會崔少卿宅

奉和四松

南池嘉蓮

送賈島

春日早朝寄劉起居

遊宣義池亭

遊陽河岸

邊詞二首

寄王玄伯

鬪蟬

送邢郎中赴太原

贈王建司馬

街西居二首

送賈島與鍾渾

買太湖石

送僧默然

訪法通師不遇

石碑

老馬

鶴雛

新菊

春日游慈恩寺

白臯駟

送薛郎中往婺州

和李舍人冬至日

酬張郎中

別杭州

秋中夜坐

晦日送窮三首

嘲胡子小男

聽僧雲端講經

酬令狐郎中

和劉郎中題華州廳

登天台寺上方

送張主簿赴山

寄靈一律師

辭白賓客歸後寄

送僧二首

杏園

采松花

過友人山莊

和韓侍郎夜泛南溪

杏園宴上座主

盆池

贈別胡逸

光上人乞百齡藤杖

遇韜光上人

寄裴起居

和李舍人直日

對月

乞新茶

曉望華清宮

崔少卿鶴

楊柳枝詞五首

送饒州張使君

無題

寄楊茂卿校書

寄王客張郎中

秋中寄崔道士

寄賈島二首

所居秋夕寄李廓

莊居野行

送裴中丞赴華州

送宋慎言

送薛員外赴處州

送殷侍御遊山南

送潘秀才歸宣州

送韋校書赴越

送清敬闍黎歸浙西

郡中書事寄默然上人

寄無可上人

贈常州院僧

閒居

揚州春詞二首

題李頰新居

過天津橋晴望

暮春書事

九日憶硯山舊居

除夜

送僧歸杭州天竺寺

送敬法師歸福州

遊終南山

早夏郡樓宴集

郡中西園

酬李廓望月見寄

喜賈島雨中訪宿

送友遊蜀

寄長官殷堯藩

寄蔡州蔣亭

山居寄友生

題杭州南亭

和裴令公遊南莊有憶

題山寺

送劉禹錫赴蘇州二首

唐詩姚合

送林使君赴邵州

送貞實歸天竺

杭州官舍偶書

賞春

軍城夜會

寄友人

杭州郡齋南亭

送崔約下第歸揚州

喜馬戴冬夜見過

送別友人

題永城驛

冬夜送崔玄亮

和劉王客冬初拜表

送源中丞使新羅

贈王尊師

送楊尚書祭西岳

和高諫議

秋夜月中登天壇

送兄赴任昭儀

劔器

和令狐員外直夜

送狄尚書鎮太原

罷武功縣將入城

送崔郎中赴常州

冬夜書事有寄

寄令狐相公

天竺寺殿前立石

送文著遊越

題薛氏池亭

和盧給事酬裴員外

送盛秀才赴舉

春日遊青龍寺

酬李員外見寄

詠鶯

故梁國公主池亭

酬薛奉禮

送獨孤評事赴豐州 惜別

酬盧汀諫議 送陳侗赴江陵從事

欲別 寄陝州王司馬

莊居即事 親仁里居

和李紳不赴看花 寄主客劉郎中

聞魏州賊破 貴遊

寄周十七起居 成名後留別從兄

和李裴二舍人酬寄 鏡

寄崔之仁山人 獨居

偶然書懷 將歸山

題田將軍宅 迎春

題崔駙馬宅 偶題

雲 別春

臘日獵 雪

送河中楊少府 裴大夫見過

聞新蟬寄李餘 謝李太尉牧杭州

晦日宴劉錄事宅 贈丘郎中

寄李干 送李起居赴池州



別賈島

和厲玄無可會宿見寄

送劉詹事赴壽州

寄白閣默然二首

送裴大夫赴亳州

秋夜再寄默然上人

送徐州韋僅行軍

別李餘

送賈暮赴共城營田

寄杜師義

送裴宰君

寄紫閣隱者

贈盧大夫將軍

送雍陶遊蜀

寄楊巨源祭酒

送李侍御赴西川行營

贈供奉僧次融

送楊尚書赴東川

寄張僊

贈僧紹明

送徐員外赴河中

病中書事寄友人

九日寄錢可復

送殷堯藩赴同州

秋日寄李支使

金州書事寄山中舊友

送崔中丞赴鄭州

寄紫閣無名頭陀

送丁端公赴河陰

贈少室山麻襦僧

送鄭尚書赴興元

寄郁上人

贈盧沙彌小師

送田使君赴蔡州

寄孫路秀才

贈終南山傳山人

送無可遊邊二首

寄安陸友人

送喻鳧校書歸毗陵

送董正字歸覲

寄賈島任普州司倉

贈王山人

送蕭正字往蔡州賀裴相淮西平

寄楊工部聞毗陵舍弟自卷溪入茶山

寄劉禹錫員外

寄嵩嶽程光範

秋日書事寄竇少監

寄華州崔中丞

夏日書事寄丘處士

寄送盧秘書遊魏州

送進士田卓入華山

秋晚夜坐有寄

寄李餘卧疾

送王建秘書往渭南莊

寄馬戴

寄白石師

送李植侍御

寄賈島

贈張質山人

送王澹

寄不疑上人

贈劉乂

閒居遣懷十首

晚夏

送崔之仁

寄山中友人

街西居

早春閒居

送孫山人

寄陝府內兄郭罔端公

姚合

春日閒居

送費驥

原上新居

送洛陽張員外

山中寄友人

山中述懷

送田中丞入西蕃

遣興

寄不出院僧

雨夜會宿寄皇甫旬

送王龜處士

秋日閒居二首

客舍有懷

送王求

及第後夜中書事

寄舊山隱者

送朱慶餘及第歸越

感時

贈任士曹

憶山

送任尊師歸蜀覲親

旅懷

揚州春詞

送杜立遊蜀

寒食書事二首

送韓湘赴西從事

春晚雨中

送陟遐上人遊天台

送春

夏夜

送盧茂才罷舉遊洛

送任畹及第歸覲

秋日有懷

同崔少卿九月六日飲

送杜觀罷舉東遊

秋夕遣懷

寺姚合

和座主相公雨中作

送狄兼譽下第歸故山

月華臨靜夜

送陸暢侍御歸揚州

中秋看月

郡中對雪

送張副使赴澤路

酬任疇夏中苦雨見寄

題鳳翔西郭新亭

送李秀才赴舉

秋晚江次

除夜

送李傅秀才歸宣州

題金州園九首

送元緒上人遊商山

題厲玄侍御所居

濯纓溪

垂釣亭

泛觴泉

吟詩島 竹裏徑

題僧院引泉

家園新池

送澄江赴興元招

杭州觀潮

寄題縱上人院

送馬戴下第客遊

題貞女祠

送王嗣之典儀城

題馬員外南街新居

寄題尉遲少卿郊居

過張邯鄲莊

楊處士幽居

題郭侍郎親仁里居

過無可僧院二首

題崔少卿駙馬林亭

李處士山居

題鄭駙馬林亭

過稠上人

題薛員外水閣

過不疑上人院

題河上亭

過雲花寶上人院

遊謝公亭

河橋曉望

過欽上人院

遊杏溪蘭若

同遊昊天玄都觀

過城南僧院

夏日登樓晚望

夜宴太僕田卿宅

過靈泉寺

宴光祿田卿宅

霽後登樓

過張雲舉院宿

放朝同遊曲江

會將作崔監東園

過杜氏江亭

寄□拾遺乞酒二首

西掖寓直聞殘漏

省直書事

假日呈院中司徒

夏夜宿江驛

陝城卽事

和端公早朝

和李相餞西蜀相公

杭州官舍卽事

寄暉上人

和座主相公西亭秋日

杏溪十首

無題

寄華州李中丞

洛下夜會寄賈島

寄姚合

和題廬山西林草堂 病中辱惠甘菊因贈

舟行書事寄崔員外 和蜀中唱和詩

寄元緒上人 和戶部侍郎省中晚歸

答孟侍御早朝見寄 酬田就

喜胡遇至 和元八郎中秋居

酬田卿書齋即事 謝秦校書無可見訪

和太僕酬侍御見寄 答胡遇

酬光祿田卿六韻 又酬末伏見寄

喜賈島至 酬楊汝士喜人移居

答友人招遊 和李舍人卧疾言懷

喜喻鳧至 哭費拾遺徵君

下第 和膳部李郎中秋夕

敬宗皇帝挽詞三首 和友人新居園上

答竇知言 酬萬年張郎中見寄

謝寄茸鹽葡萄 喜雍陶秋夜訪宿

尋僧不遇 和李補闕曲江看蓮花

郡中冬夜聞蛩 詠破屏風

病僧 得舍弟書

文宗皇帝挽詞三首 劔器詞二首

和王郎中召看牡丹 種葦

喜馬戴冬夜見過 從軍樂二首

喜覽涇州詩卷 哭硯山孫道士

和楊給事哭姬 莊恪太子挽詞二首

心懷霜 哭賈島二首

惡神行雨 拾得古硯

寄右史李定言 驚班鬢

送李琮歸靈州覬省 新昌甲

奉和門下相公雨中寄裴給事

答韓湘 塞下曲

從軍行 秋日山中

洞庭葡萄架 春日卽事

寄鄆縣尉李廓少府 春日江次

送任畹評事赴沂海 送李餘及第歸蜀

和裴令公新成綠野堂卽事

姚合

縣居詩

縣去京都遠，爲官與隱齊。  
馬隨山鹿放，雞雜野禽棲。  
連舍惟藤架，侵階是藥畦。  
更師嵇叔夜，不擬作詩題。

二

方拙天然性，爲官世事疎。  
惟尋向山路，不寄入城書。  
因病多收藥，緣溪學釣魚。  
養身誠好事，此外更空虛。



三

微官如馬足，祇是在泥塵。到處貧隨我，終年老趁人。簿書銷眼力，杯酒耗心神。早作歸休計，深居養此身。

四

簿書多不會，薄俸亦難消。醉卧慵開眼，閒行懶繫腰。移花兼蝶至，買石得雲饒。且自心中樂，從他笑寂寥。

五

曉鐘驚睡覺，世事便相關。小市柴薪貴，貧家砧杵閒。讀書多旋忘，賒酒數空還。長羨劉伶醉，高眠出世間。

六

性疎常愛臥，親故笑悠悠。縱出多攜枕，因衙始裹頭。上山方覺老，過寺暫忘愁。三考千餘日，低腰不擬休。

七

客至皆相笑，詩書滿臥牀。愛閒求病假，因醉棄官

中唐詩二  
方鬢髮寒惟短，衣衫瘦漸長。自嫌多檢束，不似舊來狂。

八

一日看除日，終年損道心。山宜衝雪上，詩好帶風吟。野客嫌知印，家人笑買琴。只都隨分過，已是錯彌深。

九

隣里皆相愛，門開數見過。秋涼送客遠，夜靜詠詩多。就架題書目，尋欄記藥窠。到官無別事，種得滿

庭莎

十

窮達天應與，人間事莫論。微官從似客，遠縣豈勝村。竟日多無食，連宵不閉門。齋心調筆硯，惟寫五千言。

十一

縣僻仍牢落，遊人到便回。路當邊地去，村入郭門來。酒戶愁偏長，詩情病不開。可曾衙小吏，恐爲踏青苔。

十二

自下青山路，三年着綠衣。官卑食肉僭，才短事人非。野客教長醉，高僧勸早歸。不知何計是，免與本心違。

十三

日出方能起，庭前看種莎。吏來山鳥散，酒熟野人過。岐路荒城少，煙霞遠岫多。同官更相引，下馬上西坡。

十四

作吏荒城裡，窮愁欲不勝。病多惟識藥，年老漸親僧。夢覺空堂月，詩成滿硯冰。故人多得路，寂寞不相憚。

十五

誰念東山路，栖栖守印床。何年得事盡，終日逐人忙。醉卧惟知叫，閒書不着行。人間尚檢束，與此豈相當。

十六

朝朝眉不展，多病怕逢迎。引水遠通澗，壘山高過

城秋燈照樹色，寒雨落池聲。好是吟詩夜，披衣坐到明。

十七

簿籍誰能問，寒風趁早眠。每旬常乞假，隔月探支錢。還往嫌詩癖，親情怪酒顛。謀身須上計，終久是歸田。

十八

閉門風雨裏，落葉與階齊。野客嫌盃小，山翁喜枕低。聽朶知道力，尋藥得詩題。誰更能騎馬，閒行祇

杖藜。

十九

腥膻都不食，稍稍覺神清。夜犬因風吠，隣雞帶雨鳴。守官常卧病，學道別稱名。少有洞中路，誰能引我行。

二十

宦名渾不計，酒熟日開封。借月消燈色，寒天挫筆鋒。驚禽時並起，閒客數相逢。舊國蕭條思，青山隔幾重。

廿一

暇日多無事，誰知我獨忙。移山入縣宅，種竹上城  
墻。驚蝶遺花蘂，遊蜂帶蜜香。惟愁明早出，端坐吏  
人傍。

廿二

門外青山路，因循自不歸。養閒宜縣僻，說品喜官  
微。淨愛山僧飯，閒披野客衣。惟憐幽谷鳥，不解入  
城飛。

廿三

一官無限日，愁悶欲何如。掃舍驚巢燕，穿方落壁  
魚。從僧乞淨水，憑客報閒書。白髮誰能鑷，年來四  
十餘。

廿四

朝朝門不閉，長似在山時。賓旅抽書讀，兒童斫竹  
騎。久貧還易老，多病懶能醫。道友應相怪，休官日  
已遲。

廿五

戚戚常無思，循資格上官。閒人得事晚，常骨覓仙

難。愁臥疑身病。貧居覺道寬。新詩久不寫。自笑少人看。

廿六

謾作容身計。今知拙有餘。青衫迎驛使。白髮憶山居。道爰憐蔬食。吏人嫌草書。須爲長久事。歸去自耕鋤。

廿七

主印三年坐山家。百事休焚香。開勅庫。踏月上城樓。飲酒多成病。吟詩易長愁。殷勤問漁者。暫借手

中鈎。

廿八

長憶青山下。深居遂性情。壘堦溪石淨。燒竹竈烟輕。點筆營書勢。彈琴學鳥聲。今朝知縣印。夢裡百憂生。

廿九

自知狂僻性。吏事固相疎。祇是看山立。無因出縣居。印朱沾墨硯。戶籍雜經書。月俸尋常請。無妨乏斗儲。

三十

作吏無能事、為文舊致功、詩標入病外、心樂百憂中、拜別登朝客、歸依鍊藥翁、不知還往內、誰與此心同、

遊春詩

正月一日後尋春更不眠、自知還近僻眾說過如顛、看水寧依路登山欲到天、悠悠芳思起多是晚風前、

二

卑官常少事、僻縣又無城、未曉衝寒起、迎春忍病行、樹枝風掉軟、菜甲土浮輕、好個林間鵲、今朝足喜聲、

三

詩酒相牽引、朝朝思不窮、苔痕雪水裡、春色竹烟中、迎雨綠池草、催花倚樹風、盡非名利事、愛此少人同、

四

塵中主印吏、誰遣有高情、趁暖簷前坐、尋芳樹底

行上融凝野色，水敗滿池聲。漸覺春相泥，朝來睡  
不輕。

五

跡頑無異事，隨例但添年。舊曆藏深篋，新衣薄絮  
綿。暖風渾酒色，晴日暢琴弦。同伴無辭困，遊春貴  
在先。

六

看春長不足，豈更覺深勞。寺裡花枝淨，山中水氣  
高。懶雲輕似絮，新草細如毛。併起詩人思，還應費

筆毫

七

悠悠小縣吏，顛顛入新年。遠思遭詩惱，閒情被酒  
牽。戀花枝下飲，愛草野中眠。疎懶今成性，誰人肯  
更憐。

八

處處春光遍，遊人亦不稀。向陽傾冷酒，看影試新  
衣。嫩樹行移長，幽禽語旋飛。同來皆去盡，衝夜獨  
吟歸。



九

朝朝看春色。春色似相憐。酒醒鶯啼裡。詩成蝶舞前。摘花盈手露。折竹滿庭烟。親故多相笑。疎狂似少年。

十

卑官還不惡。行止得逍遙。晴野花侵路。春陂水上橋。塵埃生暖色。藥草長新苗。看却烟光散。狂風處處飄。

十一

身被春光引。經時更不歸。嚼花香滿口。畫竹粉沾衣。美日鶯狂語。迎風蝶倒飛。自知疎懶性。得事亦應稀。

十二

曉脫青衫出。閒行氣味長。一瓶春酒色。數頃野花香。朝客聞應羨。山僧見亦狂。不將童僕去。恐謂損風光。

書縣丞舊廳

宮殿半山上。人家向下居。古廳眠易麗。老吏語多

虛。雨水澆荒竹。溪沙擁廢渠。聖朝收外府。皆是九  
天除。

縣中秋宿

鼓絕門方掩。蕭條作吏心。露垂庭際草。螢照竹間  
禽。棋罷嫌無月。眠遲聽遠砧。還知未離別。時復更  
相尋。

贈太祝張籍

絕妙江南曲。凄凉愍女詩。古風無手敵。新語是人  
知。飛動終由格。工夫過却奇。儒書參雜處。樂府換

歌詞。李白應先拜。劉楨必自疑。貧須君子救。病合  
國家醫。野老開山借。隣僧與米炊。甘窮辭聘幣。依  
選授官資。多見愁連曉。稀聞債盡時。聖朝文物盛。  
太祝獨低眉。

使兩浙贈羅隱

平日時風好。涕流讒書雖。盛一名休。寰區歎屈瞻。  
天問。夷貊聞詩過海求。向夕便思青瑣拜。近年尋  
伴赤松遊。何當世祖從人望。早以公台命卓侯。

爲魏州從事寄耿拾遺

8

少在兵馬間。長還繫戎職。雞飛不得遠。豈要生羽翼。三年城中遊。與君最相識。應知我衷腸。不苟念衣食。主人樹功名。欲滅天下賊。愚雖乏智謀。願陳一夫力。人生須氣健。饑凍縛不得。睡當一席寬。覺乃千里窄。古人不懼死。徒死亦無益。至交不可合。一合難離拆。君嘗相勸勉。苦語毒胸臆。白年心知聞。誰限河南北。

寄賈島

漫向城中住。見童不識錢。甕頭寒絕酒。竈額燒無

烟。狂發吟如哭。愁來坐似禪。新詩有數首。旋被眾人傳。

寄裴使君

新詩盈道路。清韻似敲金。調格江山峻。功夫日月深。蜀牋方入寫。越客始銷吟。後輩難知處。朝朝在用心。

寄李頻

性疎常似病。惟覺長庭莎。朋友來看少。詩書臥讀多。命隨才共薄。愁與酒相和。珍重君名字。新登甲

乙科。

友人南遊不回因寄

相思春樹綠。千里亦依依。郭杜老鍊月頻滿。瀟湘人用補三四春釋人初天不

歸。桂花風半落。州草蝶雙飛。一別無消息。水南車補南莊字

跡稀。老氣橫帝。字向意鍊。章法完密。集中完鍊。

寄王度 五排

魚悴王居士。顛狂不稱時。天公與貧病。時輩便輕

欺。茅屋隨年賃。盤飧逐日移。棄嫌官似夢。珍重酒

如師。無竹栽蘆看。思山疊石為。靜廳邀客睡。古寺

覓僧棋。瘦馬寒來死。羸童餓得癡。惟應尋阮籍。心

事遠相知。

寄李群玉

九衢名與利。無擾是閒人。道遠輕欺世。才高貴重

身。石脂稀勝乳。玉粉細於塵。骨換肌膚膩。心靈氣

色真。嵩山高倒日。洛水煖如春。居住應安穩。黃金

幾竈新。

寄費冠卿 五排

逍遙繒繳外。高鳥與潛魚。闕下無朝籍。林間有詔

書。夜眠幽洞石。曉飯白雲蔬。四海人空老。九華君獨居。此心誰復識。日與世相疎。

同諸公會太府韓卿宅

九寺名卿才思雄。邀歡筆下與盃中。六街鼓盡塵埃息。四座筵開語笑同。焰焰蘭膏明狹室。丁丁玉漏發深宮。惟愁即是雞催曉。吏事相牽西復東。

送戴佐下第客遊

留氣讀鎮眼注二翻轉來  
昨夜送君處。亦是九衢中。此日慙慙別。前時寂寂同。鳥啼寒食雨。花落暮春風。向晚離人去。筵收樽

木空。

讀此詩亦覺意甚寂寞多寂寞送別體中極相合作者也

送顧非熊下第歸越

失意尋歸路。親知不復過。家山向城遠。日月在船多。楚塞數逢雁。浙江長有波。秋風別鄉老。還聽鹿鳴歌。

送雍陶及第歸覲

獻親冬集書。比僑復何如此。去關河遠。相思笑語疎。路尋清壑斷。人近白雲居。幽石題名處。憑君亦記予。

○送無可住越州全首即然後四句佳

清晨相訪門前立。麻履方袍一少年。懶讀經文求作佛。願攻詩句覓成仙。好句春山影。花連寺。獨夜潮。聲月滿船。今日送行偏惜別。共師文字有因緣。

早春山居寄城中知己

陽和潛發蕩寒陰。便使川原景象淡。入戶風泉聲瀝瀝。當軒雲岫影沉沉。殘雲帶雨輕飄雪。嫩柳含烟小綻金。雖有眼前詩酒興。邀遊爭得稱閒心。

書懷寄友人

精心奉北宗。微官在南宮。舉世勞為適。開門事不窮。年來復幾日。蟬去又鳴鴻。衰疾誰人問。閒情與酒通。四鄰寒稍靜。九陌夜方空。知老何山是。思歸幽谷中。

○答李類

一年離九陌。壁上挂朝袍。此真脫俗物外誌情遠。人間酒味高。思歸知病長。失寢覺身勞。衰遠無多思。因君把

筆毫。三四篇之甚勝通首亦不尋常

○酬張司業見寄

唐詩姚合

日日在心中。南山青桂叢。高身以高枝連句可高人多愛靜。歸路亦應

同。罷吏無由病。因僧得解空。新詩勞見問。吟對竹借對酬字

林風。者酬之是寔境 觀在中三字則領聯中聯似想未夾情事一結若謂不青桂叢得對竹林風亦仍是高人之意其 他皆歸路君靜已能更因僧字事更確 出語簡斷之格高老全石之三日也

送張宗原

東門送客道。春色如灰。一客失意行。十客顏色

低。住者既無家。去者又弗歸。愁窮一成疾。百藥不

可治。子賢我且愚。命分不合齊。誰開蹇躓門。日日

同遊棲。子行何所之。切切食與衣。誰能買仁義。令

子無寒餓。野田不生草。四向生路岐。士人甚商賈。

終日須東西。鴻雁春北去。秋風復南飛。勉君向前

路。無失相見期。

送李侍御過夏州

酬恩不顧名。走馬覺身輕。子他奇處自是君境迢遞河邊路。蒼茫塞上

城。沙寒無宿雁。此句更峭利近少閒兵。飲罷揮鞭去。傷人意

氣生。即詩亦以意氣中生出苦境中讀之能令人壯氣

寄酬盧侍御

詩新得意恣狂疎。揮手終朝力有餘。今到詩家渾

手戰。欲題名字倩人書。

奉寄東都留守令狐相公

除書東守洛陽官。恩比藩方任更雄。拜表出時傳  
七刻。排班衙日有三公。旌旗嚴重臨關外。寺府清  
深接禁中。三十六峯詩酒思。朝朝聞望與誰同。

寄絳州李使君

獨施清靜化。千里管橫汾。黎庶應深感。朝廷亦細  
聞。心期在黃老。家事是功勳。物外須仙侶。人間要  
使君。花多勻地落。山近滿廳雲。戎客無因去。西看  
白日曛。

寄陸渾縣尉李景先

微俸應同請。惟君獨自閒。地偏無驛路。藥賤管仙  
山。月色生松裡。泉聲在石間。吟時復飲酒。何事更  
相關。

寄東都分司白賓客

闕下高眠過十旬。南宮印綬乞離身。詩中得意應  
千首。海內嫌官只一人。賓客分司真是隱。山泉遶  
宅豈辭貧。竹齋晚起多無事。惟到龍門寺裡頻。

春日同會崔少卿宅



詩家會詩客。池閣曉初晴。鳥盡山中語。葉添譜外聲。  
映花相勸酒。入洞各題名。疎野長如此。誰人信在城。

奉和四松

四松相對植。蒼翠映中臺。擢幹凌空去。移根斲石開。  
陰陽氣潛照。造化手親栽。日月滋佳色。烟霄長異材。  
清音勝在澗。寒影偏生苔。靜遶霜霑履。閒看酒滿杯。  
同榮朱戶際。永日白雲隈。密葉聞風度。高枝見鶴來。  
賞心難可盡。麗什妙難裁。此地無因到。

循環幾白回

南池嘉蓮

芙蓉池上葉田田。一本雙花照碧泉。濃淡並肩香各散。  
東西分艷影相連。自知政術無他異。縱是禎祥亦偶然。  
四野人民皆盡喜。爭來入郭看嘉蓮。

送賈島

一作夜期友生不至

清印

忍寒停酒待君來。酒作寒冰火作灰。半夜出門重立望。  
月明先自下高臺。

春日早朝寄劉起居

九衢寒霧斂。雙闕曙光分。綵仗迎春日。香烟接瑞  
雲。珮聲清漏間。天語侍臣聞。莫笑馮唐老。還來謁  
聖君。

○遊宣義池亭

春入池亭好。風光煖更鮮。尋芳行不困。逐勝坐還  
遷。細草亂如髮。幽禽鳴似絃。苔文翻古篆。石色學  
秋天。花落能飄酒。萍開解避船。暫來猶愈疾。久住  
合成仙。迸筍搗階起。垂藤壓樹偏。此生應借看。自  
計買無錢。

遊陽河岸

終日遊山困。今朝始傍河。尋芳愁路盡。逢景畏人  
多。鳥語催沽酒。魚來似聽歌。醉時眠石上。肢體自  
婆娑。

邊詞

將軍作鎮古沂州。水膩山春節氣柔。清夜滿城絲  
管散。行人不信是邊頭。

又

箭利弓調四鎮兵。蕃人不敢近東行。沿邊千里渾

中興詩十九  
無事。惟見平安火。入城。

寄王玄伯

夜歸曉出滿衣塵。轉覺才名累此身。莫憶舊來終日醉。世間杯酒屬閒人。

聞蟬

未秋吟便苦。半咽半隨風。禪客心彌靜。愁人耳願聾。雨情烟樹裡。日晚古城中。遠思應難盡。誰當與我同。

送邢郎中赴太原

上將得良策。恩威作長城。如今并州北。不見有胡兵。晉野雨初足。汾河波亦清。所從古無比。意氣送君行。

贈王建司馬

久向空門隱。交親亦不知。文高輕古語。官冷似前資。老學僧齋健。貧還藥債遲。仙方小字寫。行坐把相隨。

街西居

日出窮巷喜。溫然勝重衣。重衣豈不暖。所暖人不

齊兀兀復行行不離階與堦

二

丈夫非馬蹄安得知路岐窮賤歿茹薄與與養性  
宜乃知長生術豪貴難得之

送賈島與鍾渾声調高

日日攻詩亦自強年年供應在名場春風驛路歸  
何處紫閣山邊是草堂

買太湖石

我嘗遊太湖愛石青嵯峨波瀾取不得自後長咨

嗟此段詩句字奇哉賣石翁不傍豪貴家負石聽苦吟雖貧亦

來過貴我辨識精取價復不多此段詩句字比之昔所見珍怪

頗更加背面淙注痕孔隙若琢磨絕大識見絕永稱至柔物湖

乃生壯波或云此天生嵌空亦非他氣質偶不合

如地生江河置之書房前曉霧常紛羅碧光入四

隣牆壁難蔽遮客來謂我宅忽若巖之阿

送僧默然

出家侍母前至孝自通禪伏日江頭別秋風檣下  
眠鳥聲猿更促石色樹相連此路多如此師行亦

寫賣石翁詩極  
極賣石翁詩極  
琴江二千載知人  
寫石正面既狀其形  
庚復因太湖生波  
實其根底反覆議  
論大有恨相見之晚  
志

有緣

訪法通師不遇

訪師師不遇。禮佛佛無言。依舊將煩惱。黃昏入宅門。

石碑

荒田一片石。文字滿青苔。不是逢閒客。何人肯讀來。

老馬

卧多扶不起。唯向主人嘶。惆悵東郊道。秋來雨不泥。

鶴雛

白毛生未足。嘹峭醜於雞。每夜穿籠出。搗衣砧上栖。

新菊

黃金色未足。摘取且新嘗。若待重陽日。何時異衆香。

春日游慈恩寺 典雅

年長歸何處。青山未有家。賞春無酒飲。多看寺中

中唐詩 姚合

花。

白臯駟

爲底胡姬酒，長來白臯駟。摘蓮拋水上，郎意在浮花。

送薛郎中往婺州

我住浙江西，君去浙江東。日日心來往，不。畏。浙。江。風。

和李舍人冬至日

獻壽人皆慶，南山復北堂。從今千萬日，此日又初

長。

酬張郎中 老列之什

白髮年來盡，滄江歸去遲。何當得携手，松下靜吟詩。

別杭州 清亮

醉與江濤別，江濤惜我游。他年昏嫁了，終老此江頭。

秋中夜坐

疎散永無事，不眠常夜分。月中松露滴，風引鶴同

中唐詩 姚合

聞。

晦日送窮

年年到此日，漉酒拜街中。萬戶千門看，無人送窮。

二

送窮窮不去，相泥欲何為。今日官家宅，淹留又幾時。

三

古人皆恨別，此別恨銷魂。只是空相送，年年不出門。

嘲胡子小男

明明復夜夜，胡子忽成翁。惟是真如性，不來生滅中。

聽僧雲端講經

無生淡旨誠難解，唯有師言得正真。遠近持齋來諦聽，酒坊魚市盡無人。

酬令狐郎中

昨是兒童今是翁，人間日月疾如風。常聞欲向滄

江去。除我無人與子同。

和劉郎中題華州廳

蓮花峰下郡齋前。遶砌穿池貯瀑泉。君到亦應閒  
不得。主人草聖復詩仙。

登天長寺上方

曉上上方高處立。路人羨我此時身。白雲向我頭  
上過。我更羨他雲路人。

送張王簿赴山

幾年山下事仙翁。名在長生後籍中。燒得藥成須

寄我。曾爲王簿與君同。

寄靈一律師

梵書抄筆千餘紙。淨院焚香獨受持。童子病來煙  
火絕。清泉漱口過齋時。

辭白賓客歸後寄

千騎紅旗不可攀。水頭獨立暮方還。家人怪我渾  
如病。尊酒休傾筆硯閒。

送僧

人間擾擾唯閑事。自見高人只有詩。舊住嵩峯雲



外寺常聞定裏過齋時。

二

城中聽得新經論，却過關東說向人。舊國門徒終日望，見時應似見真身。

杏園 詩意全書

江頭數頃杏花开，車馬爭先盡此來。欲待無人連夜看，黃昏樹樹滿塵埃。

采松花

擬服松花無處學，嵩陽道士忽相教。朝來試上高枝采，不覺翻傾仙鶴巢。

過友人山莊

蕙帶纏腰復野蔬，一莊水竹數房書。舉頭忽見南山雪，便說休官相近居。

和韓侍郎夜泛南溪

辭得官來疾漸平，世間難有此高情。新秋月滿南溪裏，引客乘船處處行。

杏園宴上座主

得陪桃李植芳叢，別感生成太昊功。今日無言春

雨後似含冷涕謝東風。

盆池

浮萍重疊水團圓，客遶千遭屐齒痕。莫驚池裡尋常滿，一井清泉是上源。

贈別胡逸

記得春闈同席試，逡巡何啻十年餘。今日相逢又相送，予乘五馬子單車。

光上人乞百齡藤杖

衰病近來多少力，光公乞我百齡藤。閒來此日向

何處過水緣山只訪僧。

遇韜光上人

上方清淨無因住，唯見他生得住持。只恐無生復無我，不知何處更逢師。

寄裴起居

千宮曉立香烟裏，立近丹墀是起居。采筆長書皇帝語，書成幾卷太平書。

和李舍人直日遇放朝對雪

今朝街鼓何人聽，朝客關門對雪眠。豈比直廬丹

中唐詩二十七  
禁裏九重天近色彌鮮。

對月

銀輪玉兔向東流。螢淨三更正好遊。一片黑雲何處起。皂羅籠却水精毬。

乞新茶 典雅

嫩綠微黃碧洞新。采時聞道斷葷辛。不將錢買將詩乞。借問山翁有幾人。

曉望華清宮

曉看樓殿更鮮明。遙隔朱欄見鹿行。武帝自知身

不歎。教修玉殿號長生。

崔少卿鶴

入門石徑半高低。閒處無非是藥畦。致得仙禽無去意。花間舞罷洞中棲。

楊柳枝詞 詞高

黃金絲挂粉墻頭。動似顛狂靜似愁。遊客見時心自醉。無因得見謝家樓。

二

葉葉如眉翠色濃。黃鶯偏戀語從容。橋邊陌上無

人誠。雨濕煙和思萬重。

○三、細賦

江上東西離別饒，舊條折盡折新條。亦知春色人將去，猶勝狂風取次飄。

四

二月楊花觸處飛，悠悠漠漠自東西。謝家詠雪徒相比，吹落庭前便作泥。

五

江亭楊柳折還垂，日照深紅幾樹絲。見說隋堤枯已盡，年年行客怪春遲。

送饒州張使君

鄱陽勝事人難比，千里連連是稻畦。山寺去時通水路，郡圖開處是詩題。化行應免農人困，庭靜惟多野鶴栖。飲罷春明門外別，蕭條驛路夕陽低。

寄楊茂卿校書

去年別君時，同宿黎陽城。黃河凍欲合，船入冰罅行。君爲使滑州，我來西入京。丈夫不泣別，傍人嘆無情。到京就省試，落籍先有名。慙辱鄉薦書，忽欲

自受刑。還家豈無路。差爲故人輕。決心住城中。百  
敗望一成。腐草衆所棄。猶能化爲螢。豈我愚暗身。  
終久不發明。所悲道路長。親愛難合并。還如舟與  
車。奔走各異程。耳目甚短狹。背面若聾盲。安得如  
白日。遠見君儀形。

寄主客張郎中

年長方慕道。金丹事參差。故園歸未得。秋風思難  
持。蹇拙公府棄。朴靜高人知。以我齊杖履。昏旭詎  
相離。吟詩紅葉寺。對酒黃菊籬。所賞未及畢。後遊  
良有期。粲粲華省步。屑屑旅客姿。未同山中去。固  
當殊路岐。

秋中寄崔道士

貧居雀喧噪。况乃靜巷陌。夜眠睡不成。空庭聞露  
滴。傍有一杯酒。歡然如對客。月光久逾明。照見室  
中。白平生志舒豁。難可似茲夕。四肢得自便。雖勞  
不爲役。故人山中住。善治身心策。五穀口不嘗。比  
僧更閒寂。我今暫得安。自謂脫幽戚。君身長逍遙。  
日月爭老得。

寄賈島

悄悄掩門扉。窮窘自維縶。世途已昧履。生計復乖  
 緝。疎我非常性。端峭爾孤立。往還縱云久。貧蹇豈  
 自習。所居率荒野。寧似在京邑。院落夕彌空。蟲聲  
 雁相及。衣巾半僧施。蔬藥常自給。凜凜寢席單。翳  
 翳竈煙濕。頽籬里人度。敗壁鄰燈入。曉思已暫舒。  
 暮愁還更集。風淒林葉萎。苔糝行徑澁。海嶠誓同  
 歸。橡栗充朝拾。

二

寂寞荒原下。南山祇隔籬。家貧惟我竝。詩好復誰  
 知。草色無窮處。蟲聲少歇時。朝昏鼓不到。閒臥益  
 相宜。

所居秋夕寄李廓

羈滯多共趣。屢屢同室眠。稍暇更訪詣。寧惟候招  
 延。愧君備蔬藥。識我性所便。罷吏童僕去。灑掃或  
 自專。古巷人易息。疎迥自江邊。幸當中秋夕。復此  
 無雲天。月華更漏清。露葉光彩鮮。四鄰亦悄悄。中  
 懷益纏綿。茲境罕能致。居閒得彌偏。數盃罷復飲。

共想山中年。

莊居野行

客行野田間。比屋皆閉戶。借問屋中人。盡去作商賈。官家不稅商。稅農復作苦。居人盡東西。道路侵壠畝。採玉上山顛。探珠入水府。邊兵索衣食。此物同泥土。古來一人耕。三人食猶飢。如今千萬家。無一把鋤犁。我倉常空虛。我田生蒺藜。上天不雨粟。何由活蒸黎。

送裴中丞赴華州

我夢何曾應看君。渡滄川自無仙掌分。非是聖心偏。徑草多生藥。庭花半落泉。人間有此郡。况在鳳城邊。

送宋慎言

童稚便知聞。如今祇有君。白篇詩盡和。一盞酒須分。驛路多連水。州城半在雲。離情同落葉。向晚更紛紛。

送薛員外赴處州

懷中天子書。腰下使君魚。瀑布和雲落。仙都與世

疎。遠程兼水陸。半歲在舟車。相送難為別。南風入夏初。

送殷侍御遊山南

詩境西南勝。秋深晝夜蛩。人家連水影。驛路在山峰。地靜雲生石。天寒雪覆松。我為公府繫。不得此相從。

送潘秀才歸宣州

李白墳三尺。嵯峨萬古名。因君還故里。為我弔先生。晴日移虹影。空山聚鶴聲。老郎閒未得。無計此

中行。

一氣成兼復壯朗

送韋校書赴越

寄家臨禹穴。乘傳出秦關。霜落橘滿地。潮來帆近山。相門賓益貴。水國事多閒。晨省高堂後。餘歡盃酒間。

送清敬閣黎歸浙西

大地無生理。吳中豈是歸。自翻貝葉偈。人施福田衣。夏盡灘聲出。潮來日色微。郡齋師去後。寂寞夜吟稀。



○ 郢中書事寄默然

四句書事  
 郢中饒野興。過客亦淹留。看月江樓曉。尋山石徑秋。  
即不離之意極悲極壯之句  
 秋竟歸何處。老誰免此生。愁長愛東林子。安禪百  
結到野地  
 事休。  
通首清朗至五六則空谷中言也以此詩秘書集中有數之評

寄無可

十二門中寺。詩僧寺獨幽。多年松色別。後夜磬聲  
 秋。見世慮皆盡。來生事更修。終須執瓶鉢。相逐入  
 牛頭。

贈常州院僧

一在毗陵寺。師應祇信緣。院貧人施食。窗靜鳥窺  
 禪。古磬聲難盡。秋燈色更鮮。仍聞開講日。湖上少  
 魚船。

○ 閒居

不自識疎鄙。終年任在城。對極工神不極實過門無馬跡。滿宅是蟬  
真林下人吻  
 聲。帶病吟雖苦。休官夢已清。何當學禪觀。依止古  
中四清淡有味但起結微歎平實然亦不取疵  
 先生。

揚州春詞

廣陵寒食天。無露復無煙。暖日凝花柳。春風散管

中唐詩 姚合

中唐詩論大綱讀之與見奇仍  
 就郢中書事拓開六句清而時  
 拍擊其有佳生打以之乃

絃。園林多是宅。車馬少於船。莫與遊人住。遊人困不眠。

二

滿郭是春光。街衢土亦香。竹風輕履舄。鳥花露膩衣。棠谷鳥鳴還艷。山夫到亦狂。可憐遊賞地。煬帝國傾亡。

題李頌新居

賃居求賤處。深僻任人嫌。蓋地花如繡。當門竹勝簾。勸僧嘗藥酒。教僕辨書籤。庭際山宜小。休令着

石添

過天津橋晴望

閒立津橋上。寒光動遠林。皇宮對嵩頂。清洛貫城心。雪路初晴出。人家向晚深。自從王在鎬。天寶至如今。

暮春書事

窮巷少芳菲。蒼苔一徑微。酒醒聞客別。年長送春歸。宿願眠雲嶠。浮名繫鎖闥。未因丞相庇。難得脫朝衣。

○九日憶硯山舊居

帝里閒人少。誰同把酒杯。硯山籬下菊。雅淡今日幾枝開。曉角驚眠起。秋風送病來。長年歸思切。更值雁聲催。流動無比。後絕倫。秘書絕唱。

除夜

衰殘歸未遂。寂寞此宵情。舊國當千里。新年隔數更。寒猶近北峭。風漸向東生。誰見長安陌。晨鐘度火城。

吏事日紛然。無因到佛前。勞師相借問。知我亦通禪。古寺杉松出。殘陽鐘磬連。草庵盤石上。歸此是因緣。

送敬法師歸福州

結得隨緣伴。蟬鳴方出關。新經譯舊寺。故國與誰還。齋為無鐘早。心因罷講閒。東南數千里。何處不逢山。

遊終南山

策杖度溪橋。雲深步數勞。青猿吟嶺際。白鶴坐松

情。天外浮煙遠。山根野水交。自緣名利繫。好此結蓬萊。

早夏郡樓宴集

官散有閒情。登樓步稍輕。窗雲帶雨氣。林鳥雜人聲。曉日襟前度。微風酒上生。城中會難得。掃壁各書名。

郡中西園

西園春欲盡。芳草徑難分。靜語惟幽鳥。閒眠獨使君。密林生雨氣。占石帶潮文。雖去清秋遠。朝朝見

白雲。

酬李廓精舍南臺望月見寄

看月空門裏。詩家境有餘。露寒僧梵出。林靜鳥巢疎。遠色當秋半。清光勝夜初。獨無臺上思。寂寞守吾廬。

喜賈島雨中訪宿

雨。裊難逢客。閒吟不復眠。蟲聲秋併起。林色夜相連。愛酒此生裏。趨朝未老前。終須攜手去。滄海棹魚船。

送友遊蜀

送君一壺酒。相別野庭邊。馬上過秋色。舟中到錦川。峽猿啼夜雨。蜀鳥噪晨煙。莫便不迴首。風光從幾年。

寄長官殷堯藩

故人爲吏隱。高臥簿書間。遶院惟栽藥。逢僧只說山。此宵歡不接。窮歲信空還。何計相尋去。嚴風雪滿關。

寄蔡州蔣亭兼簡田使君

幾歲亂軍裏。蔣亭名不銷。無人知舊徑。有藥長新苗。樹宿山禽靜。池通野水遙。何因同此醉。永望思蕭條。

山居寄友生

獨在山阿裏。朝朝遂性情。曉泉和雨落。秋草上墻生。因客始沽酒。借書方到城。詩情聊自遣。不是趁聲名。

題杭州南亭

舊隱卽雲林。思歸日日深。如今來此地。無復有前

心。古石生靈草。長松栖異禽。暮潮簷下過。濺浪濕  
衣襟。

和裴令公遊南莊有憶

四郊初雨歇。高樹滴猶殘。池滿紅蓮濕。雲收綠野  
寬。花開半山曉。竹動數村寒。鬪雀翻衣袂。驚魚觸  
釣竿。罇前多野客。膝下盡郎官。斲石通泉脉。移松  
出藥欄。關東分務重。天下似公難。半醉思韋白。題  
詩染彩翰。

題山寺

千重山崦裏。樓閣影參差。未暇尋僧院。先看置寺  
碑。竹深行漸暗。石穩坐多時。古塔蟲蛇善。陰廊鳥  
雀癡。雲開上界近。泉落下方遲。爲愛青桐葉。因題  
滿樹詩。

送劉禹錫郎中赴蘇州

維子甚警奇然亦通音老鍊請示  
猶是唐音

三十年來天下名。嶄恩東守闔閭城。初經函谷眠  
山驛。漸入梁園問水程。霽日滿江寒浪靜。春風遶  
郭白蘋生。虎丘野寺吳中少。誰伴吟詩月裏行。

州城全是故吳宮。香徑難尋古蘚中。雲水計程千里遠。軒車送別九衢空。鶴聲高下聽無盡。潮色晨昏望不同。太守吟詩人自理。小齋閒臥白蘋風。

送林使君赴邵州

詔書飛下五雲間。才子分符不等閒。驛路笑程多是水。州圖管地少於山。岡頭斑竹尋應遍。洞裏丹砂自採還。清淨化人人自理。終朝無事更相關。

送貞實歸天竺

詩境清朗

石橋寺裏最清涼。聞說茆菴寄上方。林外猿聲連

院磬。月中湖色到禪牀。他生念我身何在。此世惟師性亦忘。九陌相逢千里別。青山重疊樹蒼蒼。

杭州官舍偶書

錢塘刺史謾題詩。貧病無恩懦少威。春盡酒盃花影在。潮迴畫檻水聲微。閒吟山際邀僧上。暮入林中看鶴歸。無術理人人自理。朝朝漸覺簿書稀。

賞春

閒人祇是愛春光。迎得春來喜欲狂。買酒怕遲教走馬。看花嫌遠自移牀。嬌鶯語足方離樹。戲蝶飛

高始過牆。顛倒醉眠三數日。人間百事不思量。

軍城夜會

軍城夜禁樂。飲酒每題詩。坐穩吟難盡。寒多醉覺遲。遠鐘驚漏壓。微月被燈欺。此會誠堪惜。天明是別離。

寄友

日暮掩重扉。抽簪復解衣。漏聲林下靜。螢色月中微。秋霽露華結。夜深人語稀。殷勤故山路。誰與我同歸。

杭州郡齋南亭

符印懸腰下。東山不得歸。獨行南北近。漸老往還稀。遊筍侵牕長。驚蟬出樹飛。田田池上葉。長是使君衣。

送崔約下第歸揚州

滿座詩人吟送酒。離城此會亦應稀。春風下第時。稱屈秋卷呈親自束歸。日晚山花當馬落。天陰水鳥傍船飛。江邊道路多苔蘚。塵土無由得上衣。

喜馬戴冬夜見過期無可上人不至



內殿臣相命。開樽話舊時。夜鐘催鳥絕。積雪阻僧期。林靜寒聲遠。天陰曙色遲。今宵復何夕。鳴佩坐難隨。

送別友人

獨向山中覓紫芝。山人勾引住多時。摘花浸酒春愁盡。燒竹煎茶夜臥遲。泉落林稍多碎滴。松生石底足旁枝。明朝却欲歸城市。問我來時自不知。

題永城驛風調尚高老

秋賦春還計盡違。自知身是拙求知。惟思曠海無

休日。却喜孤舟似去時。連浦一程兼汴宋。夾堤千柳雜唐隄。從來此恨皆前達。敢負吾君作楚詞。

冬夜宴韓卿宅送崔玄亮赴果州

蘭燭照重茵。飛杯復幾分。主人寒不寐。赴果州客曉離群。騎吏緣青壁。旌旗度白雲。劍銘生蘚色。巴字疊水文。華省思仙侶。疲民愛使君。泠泠惟自適。郡邸有誰聞。

和劉禹錫王客冬初拜表懷上都故人

九陌喧喧騎吏催。百官拜表禁城開。林疎曉日明

紅葉塵靜寒。霜覆綠苔。玉佩聲微班始定。金函光  
動按初來。此時共想朝天客。謝食方從閣裏迴。

送源中丞使新羅 通首平聲

丹墀召對使殊方。官重霜臺紫綬光。玉節在船清  
海怪。金函開詔拜夷王。雲晴漸覺山川異。風便那  
知道路長。誰得似君將雨露。海東萬里灑扶桑。

贈王尊師 讀來甚覺法眼

先生自說瀛洲路。多在青松白石間。海岸夜中常  
見日。僊宮深處卻無山。犬隨鶴去遊諸洞。龍作人

來問大還。今日偶聞塵外事。朝簪未擲復何顏。

送楊尚書祭西岳

報功嚴祀典。寵詔下明庭。酒氣飄林嶺。香烟入杳  
冥。樂清三奏備。辭直百神聽。衣拂雲霞濕。詩通水  
石靈。何因逐騶騎。蹔得到岩扃。

和高諫議蒙兼賓客時入翰苑 真正唐音

兼秩恩歸第一流。時尋仙路向瀛洲。鐘聲迢遞銀  
河曉。林色葱籠玉露秋。紫殿講筵隣御座。青宮賓  
榻入龍樓。從來共結歸山侶。今日多應獨自休。

秋夜月中登天壇

秋蟾流異彩。齋潔上壇行。天近星辰大。山深世界清。仙飈石上起。海日夜中明。何計長來此。閒眠過一生。

送兄赴任昭儀

早得白眉名。之官濠上城。別離浮世事。迢遞長年情。廣陌垂花影。遙林起雨聲。出關春草長。過汴夏雲生。黠吏先潛去。疲人相次迎。宴餘和酒拜。魂夢共東行。

劍器

聖朝能用將。破敵速如神。插劍龍纏臂。開旗火滿身。積屍川沒坂。流血野無塵。今日當場舞。須知盡戰人。

和令狐員外直夜即寄上相公

清利

霜臺同處軒窓接。粉署先登語笑疎。皓月滿簾聽玉漏。紫泥盈手發天書。吟詩清美招閒客。對酒逍遙臥直廬。榮貴人間難有比。相公離此十年餘。

送狄尚書鎮太原

授鉞儒生貴。傾朝赴餞筵。麾幢官在省。禮樂將臨邊。代馬龍相雜。汾河海暗連。遠戎移帳幕。高鳥避旌旄。天下屯兵處。皇威破口年。防秋嫌壘近。入塞必身先。中外恩重叠。科名歲接聯。散材無所用。老向瑣闈眠。

罷武功縣將入城

詩意滿洒詩調似定人

乍拋衫笏覺身輕。依舊還稱學道名。欲泥山僧分屋住。羞從野老借牛耕。妻兒盡怕為逋客。親故相邀遣到城。無奈同官珍重意。幾回臨路却休行。

二

青衫脫下便狂歌。種薤栽莎斲古坡。野客相逢添酒病。春山暫上著詩魔。亦知官罷貧還甚。且喜閒來睡得多。欲與九衢親故別。明朝拄杖始經過。

送崔郎中赴常州

貴是鴿原在紫微。榮逢知己領黃扉。人稱盛事今全得。江上政聲復欲歸。風起滿城山果落。雨餘穿宅水禽飛。昔年嘗作毗陵客。石峭泉清天下稀。

冬夜書事寄兩省閣老

崇寧光明本集卷律字幾

天寒漸覺雁聲疎。新月微微玉漏初。海嶠只宜今日去。故鄉已過十年餘。髮稀豈易勝玄冕。眼暗應難寫諫書。閣下群公盡高思。誰能携酒訪貧居。

寄汴州令狐楚相公

典雅鄭重之作

汴水從今不復渾。秋風鞞鼓動城根。梁園臺館關東少。相府旌旗天下尊。詩好四方誰敢和。政成三郡自無冤。幾時詔下歸丹闕。還領千官入闕門。

天竺寺殿前立石

補天殘片女媧拋。撲落禪門壓地坳。霹靂劃深龍舊攪。屈槃痕淺虎新跑。苔粘月眼風挑剔。塵結雲頭雨磕敲。秋至莫言長碣立。春來自有薜蘿交。

送文著上人遊越

水石隨緣豈計程。東吳相遇別西京。夜禪月下架柴濕。曉上山巔錫杖鳴。念我為官應易老。羨師依佛學無生。越中多有前朝寺。處處鐵鐘石磬聲。

題薛氏池亭

每日樹邊消一日。遶池行過又須行。異花多是非時有。好竹皆當要處生。斜立小橋看島勢。遠移幽

石作泉聲。浮萍着岸風吹歇。水面無塵晚更清。

和盧給事酌裴員外

南山雪色徹皇州。鐘鼓聲交曉氣浮。鴛鷺簪裾上  
龍尾。蓬萊宮殿壓鼇頭。夕郎夜直吟仙掖。天樂和  
聲下禁樓。贈答詩成才思敵。病夫欲破幾朝愁。

送盛秀才赴舉

重重吳越浙江潮。刺史何門始得消。五字州人惟  
有此。四隣風景合相饒。橘村籬落香潛度。竹寺虛  
空翠自飄。君去九衢須說我。病成疎懶懶趨朝。

和崔少監春日遊青龍寺僧院

官清書府足閒時。曉起攀花折柳枝。九陌城中尋  
不盡。千峯寺裏看相宜。高人酒味多和藥。自古風  
光只屬詩。見說往來多靜者。未知前日更逢誰。

酬禮部李員外見寄

本求仙郡是閒居。豈向郎官更有書。溪石誰思玉  
匠愛。煙鴻願與弋人疎。自來江上眠方穩。舊在城  
中病悉除。惟見君詩難便捨。寒宵吟到曉更初。

詠鶯 咏物中景與雅之作

春來深谷雪方消。鶯別寒林傍翠條。到處為憐煙  
景好。隔簾多愛語聲嬌。不同蜀魄啼殘月。惟逐天  
雞轉詰朝。少婦聽時思舊曲。玉樓從此動雲韶。

故梁國公主池亭

平陽池館枕秦川。門鎖南山一帶煙。素奈花開西  
子面。綠榆枝種沈郎錢。裝簾玳瑁隨風落。庭岸鷓  
鴒趁暖眠。寂寞空餘歌舞地。玉簫驚起鳳歸天。

酬薛奉禮

栖栖蒼海一耕人。詔遣江邊作使君。山頂雨餘青

到地。濤頭風起白連雲。詩成客見書牆和。藥熟僧  
來就鼎分。珍重來章相借問。芳名未識已曾聞。

送獨孤評事赴豐州

東門携酒送廷評。結束從軍塞上行。深磧路移惟  
馬覺。斷蓬風起與鵬平。烟生遠戍侵雲色。水疊黃  
河長雪聲。須鑿燕然山上石。登科記裏是閒名。

惜別

酒闌歌罷更遲留。携手思量凭翠樓。桃李花容猶  
數月。風流才器亦悲秋。光陰不覺朝昏過。岐路無

窮早晚休。似把剪刀裁別恨。兩人分得一般愁。

酬盧汀諫議

粟如流水帛如山。依念倉邊語笑間。篇什縱橫文案少。親朋撩亂吏人閒。杯觴引滿從衣濕。墻壁書多任手頑。遙賀來年二三月。綵衣先輩過春關。

送陳侗赴江陵從事 通音稊

荆州勝事眾皆聞。幕下今朝又得君。才子何須藉科第。男兒終久要功勳。江村竹樹多於華山路。塵埃半是雲新什。定知饒景思。不應一向賦從軍。

欲別 聲調最雅

山川重疊遠茫茫。欲別先憂別恨長。紅芍藥花雖共醉。綠靡蕪影又分將。鴛鴦有路高低去。鴻雁南飛一兩行。惆悵與君烟景隔。不知何日到瀟湘。

寄陝州王司馬

家寄秦城非本心。偶然頭上有朝簪。自當臺立無因醉。一別詩宗更懶吟。世事每將愁見擾。年光惟與老相侵。欲知居處堪長久。須向山中學煮金。

莊居即事 通音高老



休看小字大書名。向日持經眼却明。時過無心求富貴。身閒不夢見公卿。因尋岳寺葦辛斷。自到王城禮數生。斜月照牀新睡覺。西風半夜鶴來聲。

親仁里居

三年賃舍親仁里。寂寞何曾似在城。飲酒自緣防冷病。尋人多是為閒行。軒車無路通門巷。親友因詩道姓名。自別青山歸未得。羨君長聽石泉聲。

和李紳助教不赴看花

笑辭聘禮深坊住。門館長閒似野居。太學官資清品秩。高人公事說經書。年華未是登朝晚。春色何因向酒疎。且看牡丹吟麗句。不知此外復何如。

寄王客劉郎中

漢朝共許賈生賢。遷謫還應是宿緣。仰德多時方會面。拜兄何暇更論年。嵩山晴色來城裡。洛水寒光出岸邊。清景早朝吟麗思。題詩應費益州錢。

聞魏州賊破

生靈蘇息到元和。上將功成自執戈。煙霧掃開尊北岳。蛟龍斬斷淨南河。旗迴海眼軍容壯。兵合天

心殺氣多。從此四方無一事。朝朝雨露是恩波。

貴遊

貴遊多愛向深春。到處香凝數里塵。紅杏花開連錦障。綠楊陰合拂朱輪。鳳凰尊畔飛金盞。絲竹聲中醉玉人。日暮垂鞭共歸去。西園賓客附龍鱗。

寄周十七起居

藜藜九陌鼓聲齊。百辟朝天馬亂嘶。月照濃霜寒更遠。風吹紅燭舉還低。官清立。在金鑪北。仗下歸。眠玉殿西。莫笑老人多獨出。晴山荒景覓詩題。